

Te mahere ā-rohe o Waiheke 2020

He aronga poto i tā mātou mahere



Mihi

Titiro ki te Pane o Horoiwi,
ka whakapukepuke, ka wha atiketike ki waho rā.
He kawau, he kawau, he kawau!
He kawau tikitiki ka eke ki te tāhuna tōrea.
He kawau tikitiki ka eke ki te tāhuna ki Waitematā.
Ko koutou ēna e ngā mātāwaka
i rite ai te kōrero,
*Ngā waka o Taikehu me he kāhui kātaha
kapi-tai, ka eke!*
Kua eke, hui e, tāiki e!
Te noho nei au i te kūrae i Takaparawhā,
ka titiro whakawaho ki a koe Aotea
e tū hihiwa mai rā i te pae o te moana o Hauraki.
Ka hoki whakaroto ake aku mihi ki a Waiheke,
ki a Rangitoto te pueanga mutunga a te moana.
Kia ū mai anō au ki te one i Ōkahu,
kia takahia e au te rārangi maunga i uta.
Ki te tonga ko Maungarei,
kei raro ko te Kōpua Kai a Hiku.
Ka rere mā roto ki Puketāpapa,
kia piki au ki Maungakiekie,
Tūpo-o-te-tini.
Ka whakamau taku haere mā
te Ahikāroa a Rakataura kia taka atu au
ki te Ara Whakapekapēka o Ruarangi.
I konā, ka aro tika atu au ki a koe e
Maungawhau te tū whakahira tonu mai nā
i te pū o te wheke,
kua werohia nei e te Tūkoi o te Rangi,
kia pokanoa au ki te pepeha a Tītahi,
*“Koia te pou whakairo ka tū ki Waitematā
i ōku wairangitanga”,*
kia whakaotihia noa ai ki te kōrero rā,
Te pai me te whai rawa o Tāmaki.”

Kei tēnei puka te whakarāpopotohangā o te Mahere Pōari ā-Rohe. Toro atu
ki te paetukutuku o Te Kaunihera o Tāmaki Makaurau,
www.aucklandcouncil.govt.nz mō te roanga ake o te mahere.

He kōrero nō te Heamana

I waihangatia te Mahere Poari ā-Rohe 2020 i te wā o te ngākaurua, i ngā taumahatanga o te MATE-KORONA e rāngona ana e ngā hapori. He hua te mahere whakamutunga o taua wā, o taua ngākauruatanga, o aua akoranga. Nā, kua tino whakamārō te MATE-KORONA i tō mātou hiahia ki te whakakaha i ngā hapori, ki te whakakaha hoki i ūna herenga tangata.

Whai muri i te whakawhitinga kōrero tuatahi, i whakatakotohia te mahere ki mua i te aroaro o tō tātou hapori, ki reira kimi kōrero ai. Nā runga i tērā kua whai wāhi atu ū koutou whakaaro me ū koutou wawata, he mea tuitui ki ērā whakaaro me ērā wawata o ngā mema o te Poari ā-Rohe o Waiheke.

I te mea kua tino huri te ohaoha, i tāpiritia ētahi kaupapa i whakatakotohia ki mua i tō aroaro i te wāhanga whakawhitihiti kōrero tuarua ki te hapori. I taka iho i ērā whakawhitinga kōrero ngā kaupapa matua e rite tonu ana ki te puka Essentially Waiheke i whakahoungia i te tau 2016. He puka tērā i whakatakoto i ngā wawata o te hapori i taua wā. Ko ētahi kaupapa nui, hei tāpiri ki ērā atu kaupapa, i whakatakotohia e koutou ko te hiahia kia whakaruruhautia te tuakiri motuhake o Waiheke, kia whakaorahia te whenua me te moana, kia whai take ai ngā mahi whakangāwari i ngā raru āhuarangi.

Kua tuia ētahi o ēnei kaupapa matua ki te whakaaro kotahi - **te motu o Waiheke hei moutere whakamaurutanga i te Tīkapa Moana o Hauraki**. I ngākaupai te tino nuinga o ngā whakahokinga kōrero e pā ana ki tēnei wawata.

He wāhi tēnei e mahi ngātahi ai tātou ki te whakaora i te taiao, te moutere, te Tīkapa Moana o Hauraki. He wāhi e āhua pōturi ana te rere o ngā mahi, he wāhi e whai mana nui ai te hauropi o te moutere, ngā taonga tuku iho o te moutere, ngā mahi whakangahau o te taiao. He wāhi e noho kore-riha ai, he wāhi e pūrangiaho ai te rangi i ngā pō, he wāhi e puāwai ai te wairua auaha me te wairua toi, he wāhi e whāia ngātahitia ai te ara ki te āpōpō kore-koranehe, kore-parataia o hoki. Kua kōkiritia kētia te whakatinanatanga o ēnei whāinga; ka whai wāhi ngā manuhiri noho-roa ki te whakangao, ki te torotoro i ngā kaupapa huhua o te moutere.

He mea tautoko i te tuakiri motuhake o Waiheke - he ākau rerehua, he whare wāina tiketike, he whare kai tino pai - e kite ana mātou i te moutere hei pou tokomanawa o tērā tuakiri; he wāhi e taurikura ai te taiao, te hapori hoki. E matua mōhiotia te moutere o

Waiheke hei moutere whakamaurutanga i te Tīkapa Moana o Hauraki.

I tōaitia e te hapori te whakahau kia kaha ake tō tātou reo i ngā kaupapa kaunihera e hāngai ana ki a tātou. Kua toru tau te kaupapa kāwana hou o te kaunihera e ora ana, nā tēnā kaupapa i kaha ake ai te reo o te Poari ā-Rohe o Waiheke i ngā whakataunga nui. Me whai wāhi ngā wawata mō Waiheke, i whakatakotohia i tēnei mahere, ki ngā whakataunga o te kaunihera e hāngai ana ki Waiheke.

Ka whai wāhi atu o āwangawanga mō te tika o ngā whakataetae aratau ki ngā whāinga o tēnei mahere, ā, e whakaae ana mātou - ko Mātiatia he tatau ki Waiheke, he tatau putanga i Waiheke hoki mō ngā tāngata o konei.

I a mātou e torotoro atu ana ki te kohi kōrero, i whakatakotohia ngā pātai mō ngā whāinga pae-tawhiti mō Waiheke, kua tāpiritia ērā whakautu me ngā whakahokinga kōrero o te tuhinga tuatahi o te Waiheke Area Plan. Ka whai wāhi atu tērā mahere ki ngā whanaketanga o Waiheke i ngā 30 tau kei mua i te aroaro.

Kei te nui o te pūtea te oranga, te hinganga rānei o ngā kaupapa o roto i tēnei mahere. Kei uua ake te whiwhi pūtea mō ēnei kaupapa i ngā tau whakahaere o tēnei mahere poari ā-rohe nā runga i te uua ki te matapae i ngā pānga o te MATE-KORONA.

Nei rā te mihi i ō whakahokinga kōrero, he āwhina nunui, he kohinga i whai wāhi atu ki ngā whiringa kōrero i mua i te whakamārōtanga o tēnei mahere.

Ngā mihi nui,



Cath Handley
Heamana
Poari ā-Rohe o Waiheke

He whakarāpopotohanga o ngā kaupapa matua o te mahere

Whakaotinga tahi: Whanaketanga toitū me ngā wāhi pai ki te noho

Ka manaakitia, ka whakapakaritia te momo motuhake o Waiheke kia rere ngātahi ai ki ngā mātāpono o Essentially Waiheke.

Whakaotinga rua: He ōhanga toitū

He mauri kaha, mauri mana motuhake, mauri rakahinonga tō te hapori o Waiheke, ā, ka taka iho i ngā momo taiao ngā hua papai mō te wāhi noho, ka hua pai ngā hua papai ohaoha hoki.

Whakaotinga toru: E tiakina, e whakaoratia, e whakareitia ake te taiao o Waiheke

Kei te hiahia mātou kia manaakitia, kia whakahaumakohia ngā whenua, ngā ākau, ngā ngahere, ngā rohe kōreporepo, ngā wāhi ahumoana, hei painga mō ngā reanga e haere ake nei.

Whakaotinga whā: He hapori taurikura, kaha, tūhonohono hoki

Kua whai tuakiri, kua whai oranga ngā tāngata o Waiheke, he āhuatanga e whakapakarihia ana e te ruku kau ki ngā kaupapa o te hapori.

Whakaotinga rima: Ngā Putanga Māori

Ka mahi pakihwi ki te pakihwi ki te mana whenua me ngā mātāwaka ki te hiki i te oranga o ngā tāngata katoa e noho ana ki konei, waihoki, ka whakamanahia te ao Māori.

Whakaotinga ono: Ngā wāhi ngangahau mō te tangata

E whakamahia ana, e tiakina ana ngā papa tākaro, whenua tāpui, whenua tahamoana e ngā tāngata e noho mai ana, e ngā manuhiri hoki. E whakamahia ana e te katoa ngā whare hapori, whare toi, whare ahurea.

Whakaotinga whitu: Pūnaha me ngā hanganga hāereerekaha

He hanganga hāereere ūtātou e marutau ana, e tika ana mō ngā mahi e kawea ana, e ngāwari ana ki te taiao - kua kōtuia ngā aratau hāereere ki akiaki i te araruatanga o ngā rori. He hanganga hopu wai kaha, tika hoki, e ngāwari ana ki te taiao.

Whakarāpopotohangā o ngā take pūtea

Ngā whiwhinga pūtea, whakapaunga pūtea, whakapaunga pūtea haumi o te Poari ā-Rohe o Waiheke mai i te 1 Hōngongoi 2020 ki te 30 Pipiri 2021.

| Take Pūtea o te Mahere ā-tau | 2020/21 (\$000s) |
|---|---------------------|
| Whiwhinga moni i ngā mahi whakahaere | |
| Ratonga hapori ā-rohe | 100 |
| Whakarautaki ā-rohe me ngā mahi whakawhanake | - |
| Ratonga taiao ā-rohe | - |
| Mahi kāwana ā-rohe | - |
| Tataunga whiwhinga moni i ngā mahi whakahaere | 100 |
| Whakapaunga moni ki ngā mahi whakahaere | |
| Ratonga hapori ā-rohe | 6,833 |
| Whakarautaki ā-rohe me ngā mahi whakawhanake | - |
| Ratonga taiao ā-rohe | 130 |
| Mahi kāwana ā-rohe | 330 |
| Tataunga whakapaunga moni ki ngā mahi whakahaere | 7,293 |
| More whakapaunga moni ki ngā mahi whakahaere | 7,193 |
| Whakapaunga pūtea tōpū | |
| Ratonga hapori ā-rohe | 1,142 |
| Whakarautaki ā-rohe me ngā mahi whakawhanake | - |
| Ratonga taiao ā-rohe | - |
| Mahi kāwana ā-rohe | - |
| Tataunga whakapaunga pūtea tōpū | 1,142 |

Ngā Mema o te Poari ā-Rohe o Waiheke

| | Ngā taipitopito hei toro atu ki ngā mema |
|---|--|
|  | Cath Handley – Heamana Waea: 021 194 1787 cath.handley@aucklandcouncil.govt.nz |
|  | Bob Upchurch – Heamana Tuarua Waea: 027 630 1884 bob.upchurch@aucklandcouncil.govt.nz |
|  | Kylee Matthews Waea: 021 042 2801 kylee.matthews@aucklandcouncil.govt.nz |
|  | Robin Tucker Waea: 021 197 7483 robin.tucker@aucklandcouncil.govt.nz |
|  | Paul Walden Waea: 09 980 5328 paul.walden@aucklandcouncil.govt.nz |

